

PAPAKILO

Hawaiian Newspapers Collection [Menu](#) ▾

Translate
wehewehe.org

[Ka Hae Hawaii](#) / [19 May 1858](#) / [He make i ka Lio.](#)

Ka Hae Hawaii, Volume 3, Number 7, 19 May 1858 — He make i ka Lio. [ARTICLE]

[Back](#)

He make i ka Lio.

Ua make o Makahikipuni i ka Lio, o Pii ke kanaka maluna o ka Lio, mai Nūuanu mai ka hoi ana mai o Makahikipuni, e hoi ana i Puahia, mahope mai ka hoi ana mai o Pii; e hoi ana i Wailupe, loa mai o Makahikipuni ia Pii, e hele aha i Pawaa, ma ka hikina o ka pa o Kulika, makai ae o ke Alanui Aupuni, he kaawale loa ka helo ana o keia kanaka elemakule, ua haalele aku qia i ke Alanui Aupuni, ua hele oia ma kula ma kahi kaawale loa.

Aole i ka po keia make ana o Makahikipuni, i ke ao no i ke ahiahi, hora elima pahā, ua hehi ia o Makahikipuni e ka Lio o Pii, maluna pono o ka hokua, ku pono i ka hono, ku pono kekahi kapuai ma ka iwi hoehoe, hookahi kapuai ma ka uha, o ka make no ia. He hoāhanau keia no ka ekalesia o Wailupe, aloha nui makou i keia hoāhanau o kakou.

S. KAMAKAHIKI.

Moilili, Mei 10, 1858.

This article has been automatically clipped from the Ka Hae Hawaii 19 May 1858, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).
